

## Evening Dogri (NSD) Bulletin 10-05-2025

### आकाशवाणी

खास-खास खबरां .....

1. डीजीएमओ स्तरदी गल्लबात मगरा भारत पाकिस्तान होए युद्ध विराम आस्तै तैआर।
2. भारत खलाफ एकसावे आले कारवाई मगरा पाकिस्तान गी बड़ा मता नुक्सान, भारत नै ओपरेशन सिंदूर इस्लामाबाद च हमले, बचाह छमताएं गी कीता नश्ट आखेआ सेना नै।
3. भारत नै फैसला लैता ऐ जे भविक्ख च कुसा बी आतंकवादी कारवाई गी भारत खलाफ जंग समझेआ जाग, नमीं दिल्ली देग बनकदा परता।
4. टापरेशन सिंदूर दे चलदे पाकिस्तान च जैश-ए-मोम्मद ते लशकरे तैयबा दे 5 आतंकवादी मारे गे।
5. बैडमिंटन च ताइवाई ओपन च अज्ज सैमीफाइनल मैचें दे एकल मकाबले च आयूश शेटी ते उन्नती हुड्डा नै कीता हार दा सामना, प्रतियोगिता च भारत दा अभियान खत्म।

<><><><><><>श

### India Pak Ceasefire

भारत ते पाकिस्तान नै आपूंचै संघर्ष विराम दा सम्मान करने ते जारी तनोतनी ते फौजी कार्रवाईं गी तुरत प्रभाऽ कन्नै रोकी देने दा फैसला लैता ऐ। विदेश मंत्रालय दे सचिव विक्रम मिसरी होरें हूनै शा किश चिरै पैहले मीडिया गी इस बारै जानकारी दिंदे होई दस्सेआ जे पाकिस्तान दे डीजीएमओ नै अपने भारती समकक्ष गी फोन करियै इस बारै च गुजारिश कीती। उ'नें दस्सेआ जे दौनें देसें इस गल्लै पर सैहमति जताई ऐ जे अज्ज संझां 5 बजे थमां दौनें मुल्खें बशकार संघर्ष विराम लागू करी दित्ता गेआ ऐ।

<><><><><><>

## Army

पाकिस्तान गी भारत खलाफ अपनी उकसावे आली कारवाई दे चलदे खरा मता नुक्सान भुगतना पेआ ऐ। जेकर भारत नै आपरेशन सिंदूर दे चलदे इस्लामाबाद च हमले बचाह छमताएं गी नेस्तेनाबूत करी दित्ता। नमीं दिल्ली च मीडिया गी जानकारी दिंदे होई कर्नल सोफिया कुरेशी होरें आखेआ जे भारती सैन्य बलें पाकिस्तान च आतंकवादिएं दे ठकाने गी नशअ करी दित्ता ऐ। उनें आखेआ जे भारत दे आपरेशन दा लक्ष्य सिर्फ आतंकवादिएं दे ट्रेनिंग कैपें दे जिलेंगी भारत विरोधी गतिविधिएं आस्तै इस्तेमाल कीता जंदा ऐ। कर्नल कुरेशी होरें जोड़ेआ जे भारती सेन्य बलें कुसा बी धार्मिक थाहर गी नशाना नेई बनाया। पाकिस्तान नै दावा कीता ऐ जे उनें भारत दे एस-400 ते ब्रमोस मिसाइल गी जेएफ-आईटी कन्नै नश्ट करी दित्ता ऐ, जेहड़ा गै सिरे दा झूठ ऐं उनें जोड़ेआ जे भारतीय एपाफिल्ड जड़ेंगें सिरसा, जम्मू, पठानकोट, भठिंडा ते भुज च न, उनें नुक्सान पुज्जने दी जानकारी गी गल्ल ऐ। कर्नल होरें आखेआ जे भारत इक धर्मनिरपेक्ष देश ऐ ते एहदा सेना भारती संवैधानिक मुल्लें दा सनाकड़ा प्रतिविब ऐ। इस दरान विंग कमांडर व्योमिका सिंह होरें आखेआ जे पाकिस्तान नै भारती सेना बलें पर मसीतें गी नशाना बनाने दे झूठे इल्जाम लाए न।

<><><><><><>

## Afghanistan

पाकिस्तान दे भारत पर अफगान प्रदेश उप्पर मिसाइल हमले करने दे आरोपें गी अफगानिस्तान नै खारज करी दित्ता ऐ। न्यू नेटवर्क कन्नै गल्लबात करदे होई अफगान रक्षा मंत्रालय दे प्रवक्ता इनायतुल्लाह खावारिजमी नै आखेआ ऐ जे इस दावे च कोई सच नेई ऐ। भारती विदेश सचिव विक्रम मिसरी नै अज्ज बडलै प्रेस वार्ता च पाकिस्तान पर दोष लाया जे ओ भारत पर अफगानिस्तान पर मिसाइल हमला करने दा आरोप ला'रदा ऐ। उनें आखेआ जे अफगानिस्तान दे बसनीक हुन अपने दोस्तें ते दुश्मनं गी भली चाल्ली जानदे न ते पूरी चाल्ली जानकारी रखदे न जे केहड़ा देश अफगानिस्तान दी सरहद दा उल्लंघन करदा ऐ। एहदे शा पैहले पाकिस्तानी सैन्य अधिकारिएं दावा कीता हा जे अफगानिस्तान भारती मिसाइलें दा शकार बनेआ ऐ।

<><><><><><>

## EAM

विदेश मंत्री डॉ. एस.जयशंकर होरें अज्ज बडलै अमरीकी राज्य सचिव मारका रूबिदी हुंदे कन्नै भारत-पाकिस्तान बश्कार चला'रदी तनोतनी दे चलदे गल्लबात कीती। इक सोशल मीडिया पोस्ट च डॉ. जयशंकर होरें आखेआ जे भारत दा नजरिया म्हेशां गै नापे तोले दा ते जिम्मेदाराना रेआ ऐ ते रौहग। अमरीका दे राज्य विभाग दे प्रवक्ता टैसी ग्रुप दे ब्यान दा हवाला दिंदे होई आखेआ जे सचिव यबियो होरें जोर देइयै आखेआ ऐ जे दवै घडेंग ी तनाह घट्ट करने दे उपाए तुप्पने चाहिदे ते सिद्धे संपर्क गी बी परतियै स्थापत करना चाहिदा। उनें अमरीका तरफा आपसी गल्ल दा रस्ता इख्तोयार करने आस्तै सैहयोग दा प्रस्ताह बी रखेआ।

<><><><><><>

## Jaishankar

विदेश मंत्री डॉ. एस.जयशंकर होरें आखेआ ऐ जे अज्ज भारत पाकिस्तान बश्कार गोलीबारी ते सैन्य कारवाई रोकने बारे सैहमति बनी गई ऐ। इक सोशल मीडिया पोस्ट च डॉ. जयशंकर होरें आखेआ जे भारत नै आतंकवाद खलाफ अपना जरा बी बर्दाश्त नेई करने आले रवैये गी कायम रखेआ ते अगगे बी एह जारी रौहग।

<><><><><><>

## Act of Terror

भारत नै फैसला लैता ऐ जे भविक्ख च होई बी आतंकवादी घटना गी जंग दा ढेका समझेआ जाग ते नमीं दिल्ली पूरे स्हाबै जवाब देग। उच्च सरकारी सूत्रें एहदी पुष्टी कीती ऐ। एह फैसला पाकिस्तान आस्सेआ हालिया हमले च आई दी तेजी दी पछोकड़े च लैता गेआ। जेहड़े गै दवै देश बश्कार सैहमति मगरा बंद होई गे न।

<><><><><><>

## Jaish Terrorists Killed

भारत आस्सेआ आपरेशन सिंदूर रंभ कीते जाने मगरा पाकिस्तान च जेश-ए-मोहम्मद ते लश्करे तैयबा दे 5 आतंकवादी मारे गे न। सूत्रें मूजब इनें आतंकिएं च मुदस्सर खादियान खास उर्फ अबू जंदल मौलाना मसूद अजहर दा नेडमा सरबंधी हाफिज मोहम्मद जीमल, मोहम्मद युसूफ अजहर, खालिद उर्फ अबू अकाशा ते मोहम्मद हसन खान शामिल न।

<><><><><><>

## Karnatka SHG

कर्नाटक राज्यपाल थावर चंद गहलोत होरें महिलाएं दे सशक्तिकरण ते भलेया मुंडले स्तर पर विकास च तेजी आनने च स्वयं सहायक समूहें दी भूमिका गी महत्वपूर्ण दस्सेआ ऐ। अज्ज मंगलूरु च नवोदय सैल्फ हैल्प ग्रुपें दे रजत जयंति समारोह गी संबोधत करदे होई उनें ग्रामीण इलाकें च सैल्फ हैल्प ग्रुपें दे सुधारवादी प्रभावें दी सराहना कीती ते बक्ख-बक्ख सेक्टरें च महिलाएं दी बधा'रदी भागीदारी दी तरीफ कीती। राज्यपाल होरें सैल्फ हैल्प ग्रुपें दे परिवार कल्याण सरबंधी गतिविधिएं च योगदान गी उजागर कीता ते आखेआ जे चित्तीय स्वतंत्रता गी बढ़ावा देने लेई सरकारी स्कीमें दा लाह लैता जा।

<><><><><><>

## Mandviya

श्रम, रोजगार ते युवा मामले दे केन्द्री मंत्री डॉ. मनसुख मांडविया होर अज्ज 1 ध्याड़े दे दौरे आस्तै पुदुचेरी पुज्जे। अपने दौरे दरान उनेंपुदुचेरी दे उपराज्यपाल के.केलाशनाथन ते मुख्यमंत्री एन.रंगास्वामी हुंदे कन्नै मलाटी करियै चर्चा कीती। डॉ. मांडविया होर जेहड़े गे भारती जनता पार्टी दे पुदुचेरी आस्तै चुनां प्रभावी बी ऐन, होरें बीजेपी कार्यकर्ताएं कन्नै बैठक लाई। मकामी पार्टी लेताएं कन्नै गल्लबात मगरा उनें संगठन सरबंधी मुद्दें दी समीक्षा बी कीती।

<><><><><><>

## Flights Cancels

दिल्ली ब्हाई अड्डे पर अज्ज 60 डोआरिएं गी रद्द कीता गेआ। इंदे च 30 घरेलू एराइवल ते 30 डिपार्चर शामिल न। यात्रिएं गी सलाह दित्ती गेई ऐ जे डोआरिएं सरबंधी सूचना हासल करने मगरा वैकल्पिक प्रबंध करी लैन।

<><><><><><>

## Haj Flights

मजूदा हालात गी दिखदे होई जम्मू कश्मीर हज कमेटी नै सब्बने हज डोआरिएं गी 14 मई तगर रद्द करी दित्ता ऐ। जम्मू कश्मीर हज कमेटी दे कार्यकारी अधिकारी डॉ. शुजात अहमद कुरेशी हुंदे आस्सेआ जारी इक नोटिस मूजब सब्बने हज डोआरिएं गी 14 मई तगर

रद्द कीता गेआ ऐ। हज यात्रुएं गी सलाह दित्ती गई ऐ जे सब रखन ते अगले दिशा निर्देशं बारे बलगन। एहदे बारे अगगे दी जानकारी अधिकारिक चैनल राएं दित्ती जाग।

<><><><><><>

## Badminton

बैडमिंटन च ताइपाई ओपन मकाबले च भारत दी दावेदारी खत्म होइ गई ऐ। आयूश शेट्टी नै उन्नती हुड्डा गी सैमिफाइनल मकाबले च होर दा सामना करना पेआ। 20एं ब8रे दे आयूश शेट्टी नै पैहली वरीयता हासल चीन दे ताइपेइ दे चौ ताई चैन कन्नै मकाबले च 21-18, 21-17 कन्नै 42 मिंटे च शिरकत हासल कीती। महिलाएं दे एकल मकाबले च 17 बरें दी उन्नती हुड्डा नै पैहली वरीयता हासल दी टोमोका मिवाक थमां 21-19, 21-11 कन्नै हार दा सामना करना पेआ।

<><><><><><>

## Fact Check

पाकिस्तान दी कायराना हिमाकत पर भारत दा तगड़ेयाई आले परते नै बन्ने दे दूई बक्खी थमां गलत सूचनाएं च बाद्धा शुरू होई चुके दा ऐ। पाकिस्तान मीडिया ते जनता दी घोषणा गी धोखा देने आस्तै नकली वीडियो ते बदली दिएं तस्वीरें दा पाकिस्तान आस्सेआ प्रसार कीता जा'रदा ऐ। लोकें गी आग्रह कीता जंदा ऐ जे ओह सब्बै जानकारी दी तस्दीक करन ते कुसै बी संदिग्ध सामग्री दी रिपोर्ट पीआईबी फ़ैक्ट चेक गी मोबाइल नंबर 8799711259 पर व्हट्स ऐप दे राएं जां फ़ही [socialmedia@pib.gov.in](mailto:socialmedia@pib.gov.in) पर ईमेल दे राएं देन।

<><><><><><>

## CM Visit

मुख्यमंत्री ओमर अब्दुल्ला संदिग्ध पाकिस्तानी ड्रोन जां शैल्ल करी होए दे धमाके च जम्मू शैहरा च क्षतिग्रस्त होए दे द'उं रिहायशी इलाकें दा दौरा लाया। इ'नें धमाकें करी इक घर ते केई सारी गड्डिएं गी नुकसान पुज्जा ऐ। आकाशवाणी जम्मू दे संवाददाता दी रिपोर्ट मूजब, जम्मू च अज्ज बड्डलै लोकें, धमाके ज्नेइयां तेज अवाजां सुनियां। पाकिस्तान आसेआ संदिग्ध ड्रोन हमलें ते गोलाबारी दे चलदे शैहरा च केई थाहरें पर सायरन बजाए गे। मुख्यमंत्री ओमर अब्दुल्ला होरें अज्ज रेहाड़ी ते रूप नगर इलाकें च धमाकें आहली थाहरें दा दौरा लाइयै प्रभावत परोआरें कन्नै गल्लबात कीती। रिहाड़ी च 4 लोक जख्मीं होए जिसलै के

बनतलाब इलाके च इक महिला ते इक कुड़ी सने घट्टोघट्ट 3 जने जख्मीं होए दे न। रूप नगर इलाके च इक रिहायशी इमारत गी नुकसान पुज्जा ऐ।

<><><><><><>

## Helpline

जम्मू-कश्मीर दी सरकारै विद्यार्थिं लेई खास तौर पर समर्पित हेल्पलाईनां स्थापित कीतीआं न। जम्मू-कश्मीर दे ओकड़े विद्यार्थी जेहड़े प्रदेश थमां बाहर पढ़ाई करै करदे न, ते ओह अपने घरें गी परतौना चांहदे न, उ'नेंगी सलाह दित्ती गई ऐ जे ओह जम्मू संभाग दे स्कूली शिक्षा विभाग ते ट्रांसपोर्ट विभाग दे अधिकारिं कन्नै राबता करी सकदे न।

<><><><><><>

## CM Ex Gratia

मुख्यमंत्री ओमर अब्दुल्ला होरें हाल च बन्ने पारा आहली गोलाबारी च जान मुहाने आहलें दे परोआरें गी 10-10 लक्ख रुपें दी सींघीं सहायता देने दा ऐलान कीता ऐ। एह फैसला, सोगी परोआरें लेई इकजुटता ते मदाद दर्शाने दे मकसद कन्नै लैता गेआ ऐ। सरकार आसेआ नेह समें पर एह जतन कीते गे न जे प्रभावत इलाकें च लोकें दिएं मुश्कलें गी घट्ट कीता जाई सकै। ओमर होरें बन्ने पारा आहली गोलाबारी दरान बेदोसे नागरिकें दी मौती पर ढूंहगा दुक्ख जताया ऐ। उ'नें प्रभावत परोआरें गी हर लोड़चदी मदाद उपलब्ध करोआने दे अपने धेइये गी पक्का करदे होई सरबंधत अधिकारिं गी एह निर्देश दित्ता जे ओह राहत ते आबादकारी आहली प्रक्रिया च तेजी आहनन।

<><><><><><>

## Satish Essential Commodities

प्रदेश च बने दे मजूदा हालात दे मददेनजर, खुराक, सिविल सप्लाईज ते उपभोक्ता मामलें आहले मैहकमे दे मंत्री सतीश शर्मा होरें लोकें गी जकीन दोआया जे प्रदेश च जरूरी चीजें-बस्तें जि'आं अन्न-दाने, पेट्रोलियम उत्पादें ते एलजीपी वगैरा दी कोई कमी नेई ऐ। मंत्री होरें दस्सेआ जे सार्वजनिक बंडुड आहली सभ्मनें थाहरें पर सुद्धा भंडार उपलब्ध ऐ ते नियमित आपूर्ति जकीनी बनाने लेई सभ्मै लोड़चदे बंदोबस्त कीते गोदे न। मंत्री होरें जरूरी

चीजे—बस्ते दी सप्लाई जकीनी बनाने च सैहयोग देने लेई ट्रेडर एसोसिएशनं ते फ़ैडरेशनं ते आभार जताया ।

<><><><><><>

## Govt Appreciation

जम्मू—कश्मीर दी सरकारै, हाल च होई दिएं घटनाएं दे मददेनजर लगातार सबर ते भरोसे दा परिचय देने लेई प्रदेश दे सब्भनें बसनीकें दी सराहना कीती ऐ। सब्भै लोड़चदे हीले कीते जा'रदे न ते सरकार कुसै बी हालात दा सामना करने लेई पूरी चाल्ली तैयार ऐ। सरकारै, आम लोकें गी गुजारिश कीती ऐ जे ओह सबर रक्खन ते बेवजह डर—त्राह च नेई औन। लोकें गी इब्बी आखेआ गेआ ऐ जे ओह एनडीएमए ते सरकार आसेआ जारी दिशा—निर्देशों दी पालमा जकीनी बनान। सोशल मीडिया पर गलत सूचनां ते फर्जी दावे, बेवजह डर—त्राह दे हालात पैदा करी सकदे न। बसनीकें गी सलाह दित्ती गई ऐ जे ओह अफवाहीं नेई फ़ैलान ते छड़े विश्वसनी खबरें आहले चैनलें पर गै भरोसा करन।

<><><><><><>

## J&K Killings

जम्मू—कश्मीर दे रजौरी, पुंछ ते जम्मू जिलें च अज्ज बड्डलै सवेला पाकिस्तान आसेआ कीती गेदी भारी गोलाबारी च इक वरिष्ठ सरकारी अधिकारी सने 5 लोकें दी मौत ते केई जनें जख्मीं होई गे। आकाशवाणी दे जम्मू संवाददाता दी रिपोर्ट मूजब, रजौरी दे अतिरिक्त जिला विकास कमिशनर राज कुमार थापा ते उं'दे द'उं स्टॉफ मैम्बर उसलै गंभीर तौर पर जख्मीं होई गे जिसलै अज्ज रजौरी कस्बे च पाकिस्तान दी तरफा दागेआ गेदा गोला उं'दी सरकारी रिहायशी इमारत उप्पर डिग्गा। उं'नेंगी तुरत रजौरी आहले सरकारी मेडिकल कॉलेज पुजाया गेआ जित्थे अतिरिक्त जिला विकास कमिशनर राज कुमार थापा होरें दम त्रोड़ी दित्ता। केन्द्री राज्यमंत्री डाक्टर जीतेन्द्र सिंह, लेफिटनेंट गवर्नर मनोज सिन्हा ते मुख्मन्त्री ओमर अब्दुल्ला होरें थापा हुं'दी मौती पर डूंहगा दुक्ख ते बसोस जताया ऐ। मुख्मन्त्री होरें थापा हुं'दे घर जाइयै उं'दे परोआर दे सदस्यें कन्नै बसोस जताया।

<><><><><><>